

վոյն մինչև ի դուրս եկեղեցոյն պարփակեալ, և լուռ
լեալ կային ամենեքեան (Բերէ) :

Կիրակի (21 Դեկտ.). գնացաք ի յԱստուածածին
և Հոգեւորտէրն դատ ասաց և պատմեաց զեղեալ իրս
Մուղնեցոյն և կրկին նզովեաց համախոհիւք և մե-
ղագիր եղև կաթողիկոսին թէ Այն հերձուածօղ Մուղ-
նեցոյն Աչաց լոյս է գրեր, և զթուղթս չԱրդար Ոհա-
նին որ վասն Աստուածատուր վարդապետին ինչ է
գրեալ. և զՊարմախսուզն և զՎարդանն յանուանէ
կապելով կապեաց և նզովեաց անիծիւք և բանադրա-
նօք, Զի՝ ասէ՝ զսիւնհոգոսն իմ կամէին խափանել,
Աստուած խափանեսցէ զնոսա հոգով և մարմնով, և
որչափ ի մարմնի են՝ ի մէջ ալեաց փորձանաց կայցեն,
և այլ բազում բանս այլոցն հաւասարաբար՝ չարեացն
և համախոհից նոցա: Եւ ասաց թէ Կ'առաքեմք թուղթ
կաթողիկոսին մեք եւ ամենայն վարդապետքս. թէ
չարեացն ետ զպատիժն և բարեացն աւրհնութիւն և
ևս քաղաքիս միխիթարական թուղթ և աւրհնէք՝ նա՛
բարի, իմ մեծ եղբայրն է և աչաց լոյս, և թէ կրկին
յամառի և զչարսն իւր գովէ՝ նա՛ յայտնի ամենե-
ցունցդ լինի որ այսուհետև զթեմքն զամենայն ի վե-
րայ Սուրբ Երուսաղէմի աթոռոյն կու կապեմք, որ
անտի առնեն զսուրբ մեռոնն: Եւ այլ բազում ծանու-
ցում արար զչարութիւնս նոցա ժողովրդեանն բազ-
մաց: Եւ յետ պատարագին Ուղատուր վարդապետն
կրկին ծանոյց զբան Հոգեւորտիրին թէ Վարդանն որ
կ'ասէք՝ նա այն շուն Տարաբխանաճին է, և զԱս-
տուածատուրն որ հարցանէք՝ նա Պարմախսուզն է.
և կրկին նա ի դաս քաշեց զնոսա և զչարսն Սուրբ
Սարգսի եկեղեցոյն, որ և ամենայն ժողովուրդքն ա-
նէժք ասացին նոցա: Եւ Ղազար վարդապետն ի Սուրբ
Նիկողոս զՍուրբ Սարգսի չարքն ի դաս քաշեց և նը-
զովեաց համախոհիւք նոցա: Առաւօտուս զհացն ի Մի-